

non sanno che farsi di lui. *Item*, replica il bisogno è se li mandî danari.

Fo leto la deposition di Zuan Francesco Valier et la lettera dil marchexe. Intrò Consejo di X con la zonta di dinari, e fato ubligation di arzenti è in zecha a quelli impresterano a la Signoria danari per mandar in Campo fino ducati 6000, di primi sarano stampati; e cussi in questa sera certo si manderà danari in Padoa.

Fu fato scurtinio del provedador a Liesna, tolti numero 15, rimase sier Zuan Navajer fo capitano a Raspo *quondam* sier Andrea, et il scurtinio sarà notado qui avanti. *Item*, fato uno savio dil Consejo di zonta che manchava et niun non passò, fo meglio questi: sier Zacaria Dolfin 83 et 94, sier Alvise Malipiero fo consier 84,97, et sier Zorzi Emo 74 etc. Fono tolti sier Zorzi Corner procurator 70, sier Nicolò Michiel proveditor 69.

Fu posto, per tutti li savij d'acordo, una lettera a l'orator nostro in corte, zercha solliciti il papa a far fati *ut patet*. *Item*, li daremo il conte Filippo de Rossi over lo episcopo di Treviso suo fratello, qual è stà da nui, sicome vorà il pontefice. *Item*, dil legato Pavia scritoli le operatione il fa, et lo episcopo di Mondrusa in Hongaria, portò il capello e spada al re per nome dil papa, à fato mal officio sicome per li sumarij di l'orator di Hongaria la Santità sua vederà etc. Ave tutto il Consejo.

Fu posto, per li diti, certa parte di ternaria vecchia zercha quelli merchadanti di ojo si dagino in nota, che non hanno postò ogij in ternaria *ut in parte, aliter etc.* Fo parte aricordà per Cristofaeto di Zorzi in Colegio, qual è scrivàn a la ternaria vecchia, e fu presa, la copia di la qual *fortasse* sarà scripta qui avanti.

420 Fu posto, per i consejeri, cai di XL et savij, di contracambiar Sagramoso Visconte con tutti li nostri zenthilomeni presoni sono in man di todeschi, li qualli sarano qui soto anotadi, con questa addition si restituissa *etiam* le robe tolte a sier Nicolò Bondimier era camerlengo a Bergamo, e li altri *ut in parte*: 13 di no et fu presa. Et nota *etiam* fo preso darli Lute da Marian e Francesco Lusea homeni d'arme dil dito Sagramoso.

Questi è li nostri presoni sono in Alemagna.

Sier Jacomo Cabriel, fo podestà e capitano a Civald di Bellun, *quondam* sier Zuane.

Sier Bortolo Dandolo, fo provedador a Roverè, *quondam* sier Piero.

Sier Daniel Moro, fo provedador a Este, *quondam* sier Marin.

Sier Piero Gradenigo, fo provedador a Moncelese, di sier Marin.

Sier Lodovico Contarini, fo provedador a Vipao, *quondam* sier Imperial.

Sier Nicolò Trepolo, fo podestà a Dignan, di sier Alvise, in man di Bot Andreas.

Sier Hieronimo Pandavino, di sier Nicolò.

Sier Fantin Antelmi, era castelan in Moncelese.

Hercules da Lendenara, contestabele.

Sier Alvise Stella.

Fu posto, per l'horo savij, di elezer per pregadi per do man di eletion a la bancha, uno provedador ai X officij, a scuder li debitori vi sono, con li modi come mi havia notado, et habi el dito provedador 10 per 100 da esser diviso tra l'officio; et sier Hieronimo di Prioli cao di XL messe a l'incontro el dito provedador havesse ducati 5 per 100 neti di quello scoderà etc. Et questa dil cao di XL fu presa.

Fu posto, per li diti, una lettera a li provedadori zenerali in Campo, zercha la compagnia di brisigelli fo dil *quondam* capitano di le fantarie, che li debano meter o soto Vicenzo di Naldo o altri come a l'horo parerano, perchè è nostra opinion i restino in Campo, e fu presa.

Fu posto, per li diti, una lettera al provedador Mozenigo aute sue lettere e inteso di Castelfrancho che non debi per niun modo tuor alcuna impresa, e fazi tuor i formenti di Castelfrancho e lassi quel locho abandonato senza altra custodia, et fu presa. Et questo feno per non irritar li inimici ad andar a Treviso.

*Scurtinio di provedador a Liesna
juxta la forma di la parte.*

Sier Hieronimo Baffo, fo ai X officij, <i>quondam</i> sier Mafio	40.134
Sier Silvestro Pixani, fo zudexe di proprio, di sier Nicolò	22.148
Sier Francesco Zorzi, fo auditor vecchio, <i>quondam</i> sier Antonio	47.124
Sier Zuan Dolfin, fo auditor nuovo, <i>quondam</i> sier Nicolò	47.124
Sier Antonio Nani, fo cai di XL, <i>quondam</i> sier Francesco	26.147
Sier Matio Malipiero, fo auditor vecchio, <i>quondam</i> sier Domenego	37.137
Sier Hieronimo di Prioli, el cao di XL, <i>quondam</i> sier Ruberto	58.118